

1614 consilii caperet, Apostolicæ sedis dignitas ac majestas impedire videbatur, cui detractum maxime iri existimabat, si, Legato in Hispaniam misso, voti compos non fieret. Præcisa itaque pacis spe, omnis tollendorum dissidiorum ratio in armis relicta videbatur. Quamobrem Patrum studia ad Galliæ Cisalpinæ arces communiendas, ad copias augendas, novos delectus habendos, milites externos conscribendos convertebantur. Cumque Antonius Priolus, superiore anno cum summo imperio legatus in continentem missus, reditum in patriam impetrasset; Antonius Landus, Marcius Procurator, cum eadem auctoritate mense decembri suffectus est.

*Antonius
Landus le-
gatus in
continenti.*

Quamvis vero Italiæ imminentibus periculis ab Illyrici rebus Patres avocarentur, manebant tamen infixæ animis, quæ barbare atque impie ab Uscochis in Venerii triremem atque in trierarchum ipsum perpetrata fuerant; incommodis, quæ publicæ Italiæ tranquillitati officere videbantur, sublatis, omnes conatus in immanium prædonum genere profligando adhibituri. Neque a Laurentio Venerio, qui, ut diximus, Donato suffectus fuerat, ad eos opprimendos quidquam prætermittabatur. Nam edicto Jaderæ promulgato, quo navigia omnia ultro citroque Senniam commeantia quindecim dierum elapso tempore se aggressurum depressurumque minabatur, omni maritimo commercio interdiceret illius regionis incolæ nitebatur; atque nonnullis, quæ adversus edictum Senniam contendebant, navigiis depressis ac male mulctatis, is terror cunctos invaserat, ut nulli amplius illis commeatus suppeditarentur, omnesque ab ea navigatione se abstinerent; indeque summis angustiis pressi, fame laborare inciperent. His fiebat, ut subjectorum querelis assiduisque lachrymis excitus Cæsar, qui consceleratam gentem summo odio prosequabatur, aliqua ratione his incommodis prospiciendum arbitraretur, indignum suis in ditionibus teterrimam adeo pestem ali ac foveri existimans. Ob id Echembergium comitem, Croatiæ summum præfectum, Senniam legavit, qui fontes plecteret; ac, ne imposterum tot scelera patrarentur, curaret. Is Senniam cum pervenisset, Cæsariæ comitem ad Venerium, colloquium petitum, misit, seque a Cæsare, ut satis Reipublicæ faceret, lega-

Echembergius a Cæsare Senniam misit.